

畿輔通志卷二百五十五

列傳六十三 列女十一

國朝五
清苑
滿城
安
肅
定興
新城

國朝

保定府

清苑縣

張羅彥妻趙氏甲申城陷夫婦同縊氏絕不死投井者再

均不沈家人救之出撫孤孫秉曜成立卒年六十八歲

容城孫奇

逢張宜人墓誌略宜人端莊慈敏不苟言笑孝舅姑和妯娌教子慈不廢勞御膝妾嚴不廢情門以內讒譖不行職事不

相擾雍雍如也光祿公罷官歸宜人謂曰直道不容今如此猶幸矣甲申歲光祿公倡義守城宜人出冠帔簪珥犒士曰

此朝廷所賜當為朝廷用之城未下宜人率諸婦於後園井亭誓死以待時秉曜尚幼託老嫗携匿之城陷光祿公就縊

宜人曰妾忝誥命願與君同乃結雙纓於梁請先引纓以明志纓絕傷股墮二齒及甦光祿公氣已絕矣匍匐至井知兩

妾子婦悉歸正命乃躍入逾一晝夜不沉詰旦家人聞井中有聲乃宜人救出之欲自到索刀不得乃復倒擲井中旋浮

水上兩手持磚強以水呷滿口中又不死如是者更兩晝夜時有安定字至井亭見之泣下曰光祿公闔門俱死宜人纔不能死井不能死者天欲以孤付宜人也倘必死五歲孤焉能存乎宜人乃挽索出井匿草屋中賊黨大索張氏子敢匿者死舊僕掖宜人出城密探秉曜存亡數日尋至同亡入山中賊遁復故居啟諸屍棺殮之撫秉曜至成立卒年六十有八嗚乎如宜人者可謂爲其難矣光祿闔門慷慨臣死忠子死孝婦死節純忠大義豈可與畢命一朝者同日語耶宜人雖不得同殉而幾死不得卒能保其孤以有成秉曜承忠孝裔當艱貞之會定有以自命矣

諸生王延褒妻張氏性至孝事舅姑三十餘載無失職舅歿

與姑同寢處者又十四年比姑歿以哀毀成疾卒

邑人郭蔡孝婦張氏

傳略孝婦張氏者明蔡酒孫從度甥女也父母早歿孫撫之若己女及笄適諸生王延褒王爲邑望族甲申後產中落孝婦節縮自持而甘旨必備事舅姑惟謹一嚮一疏非躬自烹飪不敢進如是者三十年延褒遠出姑感時疫病幾殆侍者畏傳染皆託故避去或諷之孝婦曰他人可避也我卽染疫分所應親奉湯藥者七十日巾裙廁踰無不躬自澣滌姑得愈孝婦亦無恙後翁病篤孝婦侍養一如侍其姑翁彌留時顧而喃喃曰天下第一孝婦也時延褒尙未歸殯殮之具不以累昆弟拮据之苦至於篋無寸絲鄉黨稱焉厥後家益落孝婦與姑同寢處者十四年姑病忌生令孝婦手製土鑪三

大小蒸煮之具悉備但索湯粥應聲而進扶掖抑搔視於無形聽於無聲姑疾革忽聲稱曰足矣足矣孝婦請故姑曰吾年八十有七賴爾孝養者幾五十年豈不足乎孝婦侍姑疾四閱寒暑積勞成疾隱不自言比姑歿與延褒拮据營殯殮以是成痠痺輾轉牀褥者又四年乃卒論曰世之稱孝婦者罕矣有之非割股卽蒙難莫以勸也若張氏者窮困坎壈卒無怠志數十年如一日難乎否乎或曰孝婦于歸時孫予奩資二百金不自私奉翁爲置別業兩女皆字貧士甥館歲有需亦稱貸以給仰事俯畜皆人所難然特其孝之緒餘耳故傳中不之載

學源堂文集

李世珍妻張氏年十九夫亡孝事孀姑撫二子均成名長時

可邑庠生次行可登賢書守節五十餘年順治年間旌

康熙志

劉登舉妻段氏年二十六夫亡事姑以孝治家維勤教子思

輯成進士孫亦成立苦節五十二年順治十六年旌

諸生王承芳妻張氏承芳赴試卒氏年二十有九痛夫賁志

未遂教五子均有方俱以文名守節三十六年卒

俱同上

賈爾霖妻孫氏孫徵君奇逢女早寡守節以孝著

魏裔介兼濟堂集

訓子焯然有文名

按夏峯年譜氏以萬曆四十五年生守節至八十餘歲于歸時徵君製布衣一襲囑

之曰汝家漸貴盛當服此勿忘寒素氏服至臨終猶以殮云

王熊印妻鹿氏定興鹿忠節公女年十八夫亡撫女守節二

十餘年卒

康熙志

郭棻母張氏性至孝繼姑病痢三閱月侍藥餌滌便器必躬

親久而無倦明甲申郡戒嚴偕子女匿地窖均免於難苦節

三十餘年里人爲請旌氏力却之曰守節分內事也子未官

且無庸矧已得官乎棻由翰林官禮部侍郎

學源堂文集

戴國妻王氏有旗民曹文志欲強污之不從被殺雍正二年

旌

大清一統志

馮淑繼妻劉氏淑卒氏年二十四歲撫前室女如已出課子

遐昌維嚴戚族稱賢雍正三年旌

雍正志

史克剛妻李氏年二十一夫故事舅姑課幼子撫夫弱弟皆循禮閭里欽之同族史紹光妻張氏年十八守節撫子毓斌既入泮而天復撫孤孫亦入泮卒年七十二歲均以雍正六年旌

楊維城妻孫氏年二十四夫亡或勸之嫁氏拒之養親盡孝撫子及孫皆成立夫叔母史氏亦早寡氏撫其三女以一孫爲之後雍正十年旌

俱同上

石鵬妻劉氏年十七夫亡無子事舅姑以賢淑稱守節終身顏習齋記劉節婦事略石鵬妻劉氏邑庠生源洙女也貞節賢孝出於性成自八九歲時未嘗偶立門外姻親無見之者其來嬪石門也孝謹端凝族中文咸爲其姑賀未幾鵬卒氏矢共姜之節其翁姑皆弗忍擬命服闋別適及三載終不可奪因囑其父諭意其父曰吾子自孩稚知義理吾信之久矣此自其真心吾當成之何勸焉氏伯翁大感傷曰異哉此子年方十七且無子息爲人所不能爲守人所不肯守如若人者可令無後乎卽以己孫爲之子氏撫歲餘兒事翁姑賢淑

勤慎終身
如一日云

柴氏女幼許字胡喬年爲室未婚而夫卒女聞訃奔喪守節撫嗣子映元以諸生貢成均孫承祖光祖均登賢書紹祖成

進士縣志乾隆二十四年旌海昌陳錫麒撰錢氏徵詩啟

裴晉妻劉氏早寡守節四十餘年子淮以卓行著孫顯祖成進士官淮安知府乾隆五十七年旌縣志

吳姓女住竈君廟街嘉慶初年有博野無賴子冒武生誑之成婚女知誤適匪人卽投井死里人憫其志名爲烈女井博野

縣採訪冊

縣丞周必榮繼妻傅氏年二十七夫亡守節事親以孝教子有方閭里咸稱慈惠年八十七無疾終嘉慶二十年旌縣志

監生許鳳儀妻金氏年十八于歸甫三載而寡事舅姑撫孤

子均盡職守節五十二年道光十二年旌

張郡城妻王氏年二十七守節訓二子皆成名長維翰貢生
次維憲武庠生道光二十一年旌

陳芸妻程氏年二十三夫亡撫孤守節以終道光二十四年
旌

范蒼泰妻張氏年十九于歸時泰已病未而月而卒氏矢志
靡他奉舅姑撫嗣子以孝慈著卒年七十八道光二十四年
旌

職員金昌泰妻潘氏夫早故氏年二十八撫孤守節三十三
年咸豐元年旌

劉蘭妻唐氏苦節五十餘年訓子中和成諸生咸豐元年旌
王宗恒妻劉氏年一百二歲苦節七十餘年子孫林立咸豐

二年旌表建坊曰貞壽之門

何景堂妻樊氏年二十五而寡事姑盡孝撫嗣子苦節垂四十年娣梁氏立堂妻年十九夫故亦矢志靡他一門雙節閭里欽之咸豐二年旌

李有容妻宋氏年二十四守節孝養舅姑撫孤成立咸豐九年旌

諸生劉芝馨妻李氏年二十三奉親守節四十一年訓子敏之入邑庠咸豐十年旌

崔堆妻李氏年十七于歸二載而寡誓絕食以殉親屬以大義責之乃矢志事姑撫訓嗣子增源成名官稷山知縣同治三年旌

劉太文妻王氏性至孝姑病篤氏割臂肉和藥以進姑服之

病少痊次日又割以進遂大愈閭里咸稱頌之同治八年旌
董燮妻吳氏年二十六夫亡孝養舅姑以節終同治九年旌
郭紹漢妻張氏年二十三撫孤守節三十六年同治十一年
旌

胡世琛妻王氏年二十八守節撫孤子成立服官湖南甫一
載卽促之歸其不慕榮利如此時人莫不賢之同治十一年
旌

職員宋繼宗母劉氏幼時割股奉親以孝稱年二十守節五
十一年同治十二年旌

外委金壽齡妻甘氏年二十于歸甫三月而寡事孀姑撫嗣
子孝慈兼盡守節五十年同治十三年旌

馬良臣妻劉氏年二十五夫故事孀姑撫嗣子以孝慈稱孫

魁貢生曾孫人龍登賢書氏年七十二歲無疾卒邑令李旌之

張篤會妻賈氏性貞淑篤會卒氏年二十有七事舅姑盡孝撫孤成立孫化行入邑庠曾孫鵬登賢書卒年八十六歲學政龐旌之俱同上

張仲妻賈氏年二十八夫亡誓絕食以殉戚屬以姑老子幼勸之乃進食勤女紅以養始終盡孝撫子成立壽逾八十卒縣志參採訪冊光緒三年旌冊

養氏女許字閻清真爲室清真十三歲殤女年十五聞訃奔喪誓不改適孝養舅姑始終盡禮守貞四十餘年縣志光緒二

年旌冊

舉人蔣漢繼妻徐氏咸豐八年氏年二十九夫故於山西氏

聞耗一慟幾絕典質衣釧迎柩歸葬侍姑病藥必親嘗喪葬
不以貧廢禮夫弟漢儒漢臣貧將輟讀氏貸於母家以供給
之撫前室子無異視存年五十有五守節已二十八年採訪冊
職員金文元妻謝氏咸豐七年氏年二十二夫病篤氏禱天
乞代及歿矢志撫嗣愛如己出自持勤儉而濟人之急不惜
典衣飾以助之存年四十九歲守節已二十八年

武舉王德鍾妻陶氏同治元年氏年二十九夫故侍翁姑病
親奉湯藥衣不解帶及歿哀毀失明喪葬如禮撫姪爲嗣性
尤樂善施藥濟貧鄉里稱之存年五十有一守節已二十三
年

韓曾妻劉氏年二十三寡張喜敏妻李氏鄔應興妻邢氏年
二十一寡樂克仁妻王氏年二十四寡常建城妻胡氏年

十九寡謝鳳誥妻王氏年二十二寡張其翼妻孫氏年二十
九寡均撫孤成立守節終身

李恕妻王氏年二十一夫亡呂國敬妻王氏年二十六夫亡
張楸妻房氏年二十八夫亡王德妻汪氏年二十七夫亡事
親撫子均以孝慈著守節終身

宋祥妻孫氏年十八夫亡守節七十二年王廷栻妻崔氏年
二十夫亡守節六十五年臧兆棠妻劉氏年二十五夫亡守
節存年五十有一以上均以孝著

王忻妻汪氏年二十一守節孝養舅姑撫孤成立恐母家奪
其志終身不歸年垂五十卒臨終自謂婦職已畢庶幾無負
泉下云

蘇德粹妻商氏年二十九夫亡事親撫嗣守節四十餘年段

世楷妻賈氏年二十五夫亡事親撫嗣守節四十餘年趙國
樑妻陳氏年二十三夫亡事親撫嗣卒年五十有八

師震亨妻伊氏年二十夫亡撫嗣子守節四十五年任閨妻
李氏年十九于歸甫月餘而寡守節三十年許繼曾妻吳氏
年二十一守節三十三年間里咸欽敬之

李緒妻徐氏年二十于歸緒病已篤未半載夫亡家貧甚親
族欲奪其志氏以死自誓勤女紅奉病姑以孝稱卒年四十
二歲

金煥妻段氏早寡撫孤守節垂四十年卒年六十餘歲子立
功亦早卒媳湯氏年二十有七撫彌月子鑑成立煥爲忠節
公毓嗣裔孫故湯每訓子曰吾家一門忠孝爾宜無負先志
時稱爲賢母云

梁寬妻田氏年二十二夫亡遺腹生子尋殤勤紡績撫嗣子
歷三十餘年

張其翼妻孫氏年二十九守節教二子皆成立苑清安妻解
氏年二十守節待奉祖姑及舅姑始終盡孝均矢志終身
張焯妻宋氏年二十七守節撫孤子應彪登武科

史雲峯妻馬氏年二十四奉親守節撫孤步瀛入邑庠光緒
二年旌

監生伊謹妻張氏孝事舅姑年二十三守節子翰章煥章均
食餼間里推爲賢母

王清元妻張氏年二十三夫亡舅姑相繼歿遺夫弟清傑尙
幼氏延師課之尋登武科守節五十餘年

監生劉瑞妻金氏年二十七守節撫子及孫皆成立卒年七

十五歲

安平教諭朱廷標妻諸氏年二十九撫孤守節四十年其兄欲為請旌氏曰守節分內事也奚旌為時論嘉之俱同上

張光弼妻樂氏同治六年梟匪滋擾氏懼辱自盡越歲擒匪

復至霍清峯妻劉氏以罵賊被殺霍玉錫妻段氏投井死均

於同治七年旌順天忠義局第三十五次請卹冊

州同湯秉中妻張氏四川松潘廳同知張中寅婢也咸豐十

一年逆番攻陷松番氏隨弟任署投池身死同治八年旌順天

忠義局第三十七次請卹冊

陳其漣妻李氏同治七年正月捻逆張總愚北竄入直境漣

以禦賊死氏年二十一絕粒以殉同時陳禮妻周氏諸生趙

錦標妻朱氏寨破皆携子女投井死以上同治七年彙旌縣志

馬保忠妻周氏賊至懼辱同妹大女十姑自焚死又盧澤女

楊才妻均以罵賊被縛投火死

縣志

同治十三年旌

檔冊

案檔冊又有馬周氏與其女十兒姪女愛兒同時殉難同

治八年邑令何爲請旌表

王國華妻王氏戊辰之亂罵賊被殺工人譚黑小以救主拒

賊被殺同時王敬範祖母劉氏叔母朱氏投井死

縣志

王連伸母王氏與子拒賊同遇害

李朱氏史德懋母孫氏皆大營村人以罵賊不屈死同治十

二年彙旌

節婦曲陽氏王家羅候人李范氏石家橋人均以罵賊不屈

死

王香妻王氏年二十戊辰遇賊被擄氏義不受辱大罵以頭

觸壁流血賊怒投火被焚死同時武生苑國俊妻耿氏偕三女投井死又呂振子婦被擄不辱投井死賊復下石壓之

武生劉玉成妻杜氏同治七年一賊至其家玉成擊之斃賊眾怒焚其室夫婦同死同時張瑞女名八兒女年十七賊至女欲投井賊阻之以磚擊賊被笞死又楊洛懷女楊鳳鳴女俱被虜罵賊不屈被刳胸死

案檔冊張瑞女同治八年邑令何爲請旌表

胡振女賊至被擄以馬載之女大罵自墮者屢賊怒毒鞭之女曰我父在某井中救父上引一見卽相從賊信之甫至井急投入賊復以瓦器下擊之死

李某妻陳氏魯家莊人有鄰家婦女藏其室賊至氏閉門抗拒之被害賊不復入鄰婦等皆免於難

俱同上

史華妻呂氏華故痛不欲生旣念孀姑獨不忍死勤女紅